

Servicie al  
homanité



Doc. 100.  
(5. ed.)

# OCCIDENTAL

## ES LI MODERN LINGUE INTERNATIONAL

Occidental es comprendet in li tot munde !  
Occidental es tre facil a aprender !  
Occidental es li duesim necessari lingue por omnes !



BIBLIOTHÈQUE

LI AS 106

La Chaux-de-Fonds

(R 007279524)

### Li Turre de Babel de Europa.

In Europa on parla plu quam 120 lingues, obstacul enorm por li relationes comercial, scientific e turistic. Per un lingue auxiliari usat paralelmen al lingues national, li tot munde va comprender unaltru.

### Un lingue international es necessari.

Li caós del lingues es un tortura por homes vivent con clar oculos e sensus in nor epoca del radio e film parlant.

### Li veritabil lingue international existe.

Save vu que it es possibil scriir in un lingue imediatmen comprensibil por persones cultivat de omni nationalitás?

### Un lingue por congresses...

Save vu que vu posse parlar in li mult congresses de nor epoca in un lingue comprehendet per li majorité del present persones — sin traduction in lor respectiv lingues national?

### Auditores e letores va comprender vos!

It ne es necessari que ili ha studiat ti lingue! Li quantité de lor instruction e un minimum de bon voluntá es sufficient.

### Quel es ti lingue?

Ti lingue quasi miraculosi es nominat "OCCIDENTAL"!

### Pro quo li nómín "Occidental"?

Ti nómín ne vole dir que li lingue es destinat solmen por li nationes occidental! It solmen vole dir

que li quasi totalité del vocabules international es de origine occidental.

### Li Universalitá del lingues del Occident



### Su base: li paroles international.

In li vocabularium del lingues national vu posse constatar que un fort proportion de vocabules es comun al lingues, precipue al lingues occidental (anglés, francés, italian, hispan, portugalés, german), queles es li max difuset in li munde.

### It existe 10000 paroles ja international.

Ili suffice por composir un idioma imediatmen comprensibil al majorité del popules civilisat.

Covertes, o postcartes de propaganda, 100 ex. sv. Fr. 1,50  
Insignie Fr. 1,50. Marcas glutinabil, 100 ex. Fr. 0,80  
Ti prospect N° 200, til 8, 1922, tuit; chascun in plu Fr. 0,02

LIAS



106

### **Puritá del styl.**

Un lingue universal incorporant elementes european, turc, chinés, indian, eskimo, suaheli es egalmen impossibil quam un hybrid inter un elefant e un crocodil. Sol un lingue homogen es vivicapabil.

### **Un oriental professor...**

Prof. Asakawa del Universitá de Yale (USA) scri: "It joya me que Occidental honestmen nómina se occidental vice de universal; e yo admira li natural structura de Occidental".

### **Naturalitá e regularitá.**

Durant pluri seculs mult homes ha provat crear un lingue auxiliari facil e neutral. Unes basat it sur naturalitá e negliget li regularitá. Altres basat it sur regularitá e mutilat li international paroles.

### **Anteriori missuccesses.**

Li circa 10 000 international vocabules, in majorité de origine latin, ne es sempre format regularmen. Pro to anteriori projectes de lingue international ha deformat o excludet un grand parte de ili. Ti projectes restat in stadié experimental pro que ili esset artificialmen creat e ne successat incorporar li international paroles in un suficient simplic systema.

### **Occidental, li solution del problema.**

It combina li regularitá e li naturalitá. Por esser adoptet de omni popules e de omni classes del population, it es regulari e presenta un aspect natural in su paroles. It es basat sur li principie del maximum de internationalitá, e it producte li paroles in-

ternational per su propri regules de derivation.

### **Ti problema...**

regularisar li vocabularium international, esset tro desfacil por li autores de lingues international. Ma li problema del lingue international prendet un nov aspect, desde que li baltic erudit, Edgar de Wahl (in Tallinn, Estonia), pos 30 annus de labore e experimentes, ha successat formular un systema permissent formar per quelc regules li paroles international.

### **Occidental ne es un nov lingue.**

It ne es un lingue artificial, it ne contene paroles inventet! It es composit ex li international paroles conosset sur li tot terra, comun al grand lingues cultural. Occidental es li max facil por li majorité del popules.

### **Occidental es un lingue scientific.**

It ne contene elementes in contradition al linguistica. Con Occidental li movement del lingue international intra in un nov stadié decisiv.

### **Li enorm camp de action de Occidental.**

Occidental ne es un teoríc project. Su camp de action es mult plu grand quam ti del ancian projectes. Occidental es immediatmen comprensibil in li tot munde civilisat de omni person un poc cultivat.

### **Vu posse scrir...**

In Occidental a persones queles ne ha aprendet it, e queles ne mem conosse su nómin: ili sempre va comprender vos. Li experiment ha esset fat multvez.




**Occidental es comprensibil quasi sin studie**  
a omni person instructet quel ha aprendet un lingue  
romanic o anglés in li scole, e anc a persones de ro-  
manic lingue matrin sin instruction superiori.

**Si vu aprende Occidental...**

vu aprende li veritabil vocabularium international.  
Vu aprende un cose real e util quel va servir vos.  
Vu ne aprende paroles artificial inventet de alcun in-  
dividue.

**Li studie del lingues national...**

es facilisat per Occidental. Qui aprende Occidental,  
ti aprende li fundament de omni lingues del Occi-  
dente. Por orientales, Occidental es li clave del oc-  
cidental cultura. Yun homes queles ancor ne save  
quel foren lingue ili vole studiar, mey comensar per  
Occidental.



**CURT GRAMMATICA DE OCCIDENTAL**

**Pronunciation:** (A: anglés, F: francés, G: german, H: hispan, I: italian) Vocale quam in G, H, I, slav; y quam vocale G ü, F u, sved y; y quam consonant y A, H; c ante e, i, y: ts, in omni altri casus; k; g ante e, i, y: j F, in altri casus quam g G; h aspirant quam in A, G; j: j A; q quam in G, A e I; s quam in F e I; v quam in A, romanic e slav; x = ks, gs; z = ds; ch quam in F, (sh anglés); eu = eu francés, ö german.

**Accentu tonic** sur li vocale ante li ultim consonant:

finale, lingue international. Li finales del plurale -s e del adverbio -men ne have influentie al accentu: lingues, al-  
trimen. Li finales -bil, -ic, -im, -uj, -um es inaccentuat: respectabil, grammatica, ultim, regul, herbarium. In altri casus li accentu es scrit: pronómin, númer, idé.

**Articul definit:** li; **indefinit:** un.

**Plurale:** -s o -es. Finales caracterisant li sexu: -o por li masculin e -a por li feminin; ex: filio, filia.

**Adjectives invariabil.**

**Adverbie:** egal al adjective o per finale -men; ex: visibil-men

**Pronómines personal:** yo - me, tu - te, il - le, illa - la, noi - nos, vu - vos, ili - les; **indefinit:** on; **reflexiv:** se; **possessiv:** mi, tu, su, nor, vor, lor.

**Verbes:** Finale del infinitive -r: ama-r, deve-r, fini-r. Presente, li sol radica: yo ama, tu deve, il fini. Passate, finale -t: noi ama-t, vu deve-t, ili fini-t. Passate composit, ha: yo ha amat. Future, va: tu va amar. Conditionale, vell: il vell finir. Imperative, ples o li radica sol: ples finir! fini! Finale del participies activ -nt, passiv -t: amant, amat; de-vent, devet; finient, finit.



### **OCCIDENTAL-UNION**

Occidental es difuset per li OCCIDENTAL-UNION quel es neutral in politica e in religion, e per national societés de propaganda. Li Occidental-Union es directet de un SENAT, e del CENTRAL OFICIE durant que li ACADEMIE decide pri li linguistic formes. Por devenir membre, it suffice demandar li carte de adhesion che: Occidental-Union, **Chapelle Vaud, Svissia.**

### **COSMOGLOTTA**

es li mensual organ oficial del Occidental-Union. It apar in du editiones. Li serie A contene li articules destinat al grand publica; li serie B, polygrafat, ocupa se plu specialmen pri li Occidental-movement. Li abonnement del revúe es gratuit por li membres del Occidental-Union. Ples demandar un numeró specimen al infra adresse.

### **ASSOCIATION POR INTERNATIONAL SERVICIE**

Ti section del Occidental-Union organisa li exchange de informationes e de correspondentie in Occidental. It publica un adressarium quel contene li liste de su membres e altri practic informationes. Ples demandar li gratuit carte de adhesion al infra adresse.

Omni informationes pri li Occidental-movement e li catalog del Occidental-literatura es ricevibil del:

**INSTITUTE OCCIDENTAL**  
**CHAPELLE (Vaud) Svissia.**